

余
山

山

集

金山集卷之四

皖桐方 文爾止著

壻繡水王 槩安節較

黃州王澤弘吳廬定

五言律

白下重訪李臨淮宮素

丁丑

六代餘風雅山阿尚有人
選言皆大呂闢館似平津
古道已昭世新聲更入神
西安吾卜宅長與作比鄰

送萬道吉歸涇

鷄鳴山下路日日爲君過
澗戶生秋草絺衣掛女蘿
憂時心共苦失職恨偏多
反覆天人策其如柄鑿何

道吉廷試

策直言時事
執政擯之

江鄉多寇盜避亂欲何之
乞食游吳市招魂註楚詞
方

君歸里日正我憶家時別後同王祭登樓無限思

時王雨若

亦寓鷄鳴

送潘麟長還吳門

吳門多勝槩攬勝孰如君川有雙珠媚蘭從九畹分

麟長

楚人游吳納姬生二子甚慧

風流知不墜詩禮欲先聞江介秋帆穩

來看鍾阜雲

贈孟元白兼懷戴敬夫

秋水思君處芙蓉三放花名輕空有恨世亂總無家避

地占牛渚還山御鹿車相逢河畔草且止話桑麻

元白隱

橫山將攜妻子而去

劉伯宗應徵北上賦此送之

九子雲深處三江龍卧時神明干象緯旌節下茅茨塞

北颺何急淮南轍已遲送君秋水上白露有華滋

霜威凝四野蕭艾滿中阿自有芳蘭在其如萎絕何漢
廷須痛哭燕市勿悲歌千仞桃花水漁郎許再過

先是
眉生

疏彈武陵相
公不得上

雲間訪邢孟貞

往曾寄書龍友處未到

道逢楊德祖江草寄微情獨鶴歸何暮雙魚全未烹輕
帆隨月上苦思向潮生欲抱成連瑟從君海嶠行

陳卧子招同周勒鹵徐闇公李存我單質生飲集

水閣

高林避殘暑孤閣峙遙空橘柚荒山外蒹葭細雨中投
竿拾海月把酒戲江鴻嘉會尋常事今宵更不同

朱宗遠瑟園話別

開秋三五日日日到君家雨氣迷山路荷香接稻花樓
空驚去燕林暝惜歸鴉且盡杯中物驪歌靜勿譁

七夕舟中夢劉同人蘇武子

愁思因時積秋來倍輶軻美人委霜草往事逐江波挂
樹久無劒招魂空有歌今宵雙入夢泉下意如何

月下訪何大心小飲期白孟新仲調不至

柴門秋水次兀坐學垂綸皎皎見明月娟娟思美人披
衣聊一往把臂卽相親散步池塘畔芳風起白蘋
更尋麋鹿友二仲在河干看月復何去令人少所懽青
帘魚饌美白露葛衣寒市上判沈醉歸仍理釣竿

喜錢季水余澹心夜過小飲

良朋隨月至秉燭剪園蔬斗酒勿爲薄孤情聊不虛苔

荒吟蟋蟀風疾響
柵欄三逕無人掃
蓬心待爾鋤

秋雨東齊介人

晚秋長寂寞
况復雨蕭蕭
一水人何遠
千峰葉盡凋
瓜陰猶覆屋
溪澗不通潮
霽色動林杪
期君過石橋

聞范質公大司馬免官感賦

丁卯

浮雲秋蔽日
芳藹半凋殘
鳳隱鷹將去
芝焚蕙自嘆

黃時

石齋先生被謫
公爭之亦罷

民猶存直道
臣豈受微官
仰首辭雙闕

江天接羽翰

耆舊多黃土
唯公尚巨卿
孔林懸碩果
周甸起長城
握髮朝廷士
鳴鐃夜守營
櫓槍猶未落
孤恨抱平生
昔引父兄義
旋成物外知
冥鴻嘗不近
神駿每相期
顛倒劉黃策
悲涼庾信詩
人情愛工巧
吾道廢何疑

題鄒滿字節霞閣

古坂開城曲秋暄半爲君柳塘掛山雨蘿閣吐溪雲墨
妙兒能悟厨香客亦分我來坐終日鷄犬不曾聞

好靜罕容接貧交有酒徒過橋晴訪顧

與治居相近

掃徑夏

畱吳

次尾是年寓其家

啜菽親長健擎茶女易呼憑高一望遠

白露滿青蕪

歸里偕鄧簡之吳子遠山行得巢字

天風吹野鶴戢羽向荒郊蓬海無靈族霜林有故巢逃
名安閉戶于耜欲誅茆不厭頻來往當年爾汝交

雲日漾晴色提壺出近郊菱荷香短褐橘柚佐行庖白
業聞僧梵宮亭解客嘲故人應好我許借一枝巢

答汪大年京師見懷

雪滿荆軻市雲停孫楚樓相思各千里小別已三秋酒
熟鱸魚美江空烏鵲愁何年羣盜息重返故山丘

泊紫沙洲

朔風阻前路晚泊向孤汀月吐江村白煙消漁火青牀
頭霜氣冷柁尾浪聲停借問舟中客何人寐不醒

夜泊牛渚

江水冬全緩南風晚更微我行懷李白每泊傷祠磯荒
店月初上老翁漁未歸客來爭貰酒燈火亂蘆扉
小飲不成醉緼袍聊復溫開窗玩江月積氣隱天門風
止岸邊樹沙明山下村東船與西舫終夜悄無言

喜吳駿公司成南雍

庚辰

清秋遊璧沼東望正徘徊片月海邊至三峰天上來鼓

鐘揚聖澤丹漆麗羣材更渡前溪水人人咏有臺
四方巖斥堠南國靜江波甘露分金掌祥風扇玉珂稱
詩毛鄭出作樂雅南多紫燕無奇羽翩翩入尉羅

送魯孺發移家天門

四海選容膝三山且卜居逃名巾不墊流水帶長紆菰
米秋充飯藤花晚覆閭垂綸佐甘旨時或有嘉魚
江皋誰共語宿莽恣孤寒閒步向荒路懷人看遠天家
貧多蓄酒客過每停船預識千年後茲山爲爾傳

爲孫克咸三十初度兼送其移居

我友多才子君兼任俠名抽毫勤賦物聚米喜談兵壯
節忽已至雄圖猶未成佩刀閒掛壁風雨欲悲鳴
故鄉不可住同寓石城偏秋水雙橋月春雲萬井煙何

當遷草舍知爲拾花鉏欲訪丹砂術還尋葛稚川

時克威卿

葛稚川欲娶之

送徐闇公歸雲間兼寄李舒章

京國罕儔侶那堪君又歸清商發皎月白雪弄靈暉溪
淺流漸下江空樹影微明年芳草綠重與雁南飛

得邢孟貞書却寄

南方學風雅之子得菁華上谷無熊館中林有兔置依
人長作客取道便還家不及江門語寒泉空落霞

旱澇今年並雖農莫救貧稻梁秋後缺參朮病中親稚
子兩三歲高堂七十春加餐須努力憂懼恐傷神

中秋

白露滋蘭畹羣香靜者聞天陰蟾兔沒江濶雁鴻分壯

節隨流水幽光隱大雲故園歸未得長愧北山文

九日

拔宅遷南國今年已七年黃花澹溪水白日冷厨煙負
米知秋儉忘憂覺母賢故人多釋褐閒殺舊青氍

寄懷從子密之

半年書八寄重與訴煩冤主德真難報臣情未敢言春
將回黍谷人尚隔桃源

時中丞兄在獄

江驛勞歸夢何時聚故

園

送蔡湘渚之吳門

欲訪要離墓雖冬願不違曉霜舟出浦晴日水明衣入
市魚應賤充庖蛤正肥錫山新酒好多載幾瓶歸

除夕

少小同門友行藏各有天杏林紛試馬茅屋靜鳴絃秉
燭送窮鬼持衣還酒錢教兒莫貪睡明日是明年

穀日飲從子奕于宅吳子遠亦載酒至

辛巳

古巷春雲白居易人晝掩門乍暄蟲出樹近夜鳥嘶村客
語亂琴響林花香屐痕扁舟歸海岸重與合芳尊

天門訪魯孺發不值

春江尋魯肅芳草閉柴門忽見女衣經始知君鼓盆悼
以空有咏謀食向何村寂寞歸江岸停舟無片言

舟次裕溪

士有不得志依人成遠遊江煙春漠漠溪月晚悠悠羽
檄飛金勒商歌托蒯緱青冥盼鴻鵠豈爲稻粱謀

肥水春望

維舟行斷岸忽聽子規聲春雨猶未降田家何以畊林
中村婦出湖上水車鳴百里炊煙絕臨風傷我情

舟次繁昌待孫克咸

江行愁寂寞幸與爾爲羣曉霧暗相失秋颺路各分青
山畱古縣白鳥下寒雲斜日蒹葭外漁歌處處聞

銅陵遇姚若侯

新亭期早發恨爾別情牽挂席因風便停橈在我前窮
鄉沽酒薄密坐論文偏月色中天好秋宵不忍眠

江上望九華山

雨氣開青嶂雲端見九峰可憐江上月長掛嶺頭松乞
食僧初去焚香路不封山靈如有約他日尙相從

池口晚眺

落日秋江靜何山不可憐青冥度歸鳥平楚起寒煙客
路荒城外僧居古驛邊勞人尋舊館回首十餘年

夜泊阮家塢訪族人某不遇

浮屠臨午見及浦已黃昏夜雨尋宗老年荒不啟門問
隣田犬吠求火樹鷄喧歸路逢微雨愁心對爾煩

從子爽于初度

不信才如汝中年尚輾軻巖松秋始勁籬菊晚應多紫
陌青絲騎黃門白玉珂嘉期終未遠且勿嘆流波

盧妃傳古巷新結草亭孤

爽于新買宅于盧妃巷

細雨生池藻涼

雲覆井梧山中龍作友花下鳳將雛此事天人樂浮名
何用沽

秋日還龍瞋山

出郭見山色我心先爽然寒花媚幽谷霜樹艷晴川石
表丘中墓蟲傷隴畔田巖扉讀書處一別動三年
始信兵猶火樵蘇斷往來麥田多不種茆屋半成灰雨
氣千峰暗泉聲萬壑哀山僧尚無恙驚喜故人回

秋浦喜遇田長康兼懷令兄孫若

六月江城破驚心悄百憂

是年宿松爲寇陷

相逢幸無恙痛飲

復何求鄰盜秋仍逼山田晚不收懷人還北望□馬犯

幽州

孫若治兵曹

夜偕孫克咸過劉伯宗齋頭言別

理楫歸南浦依依別故人草堂明燭冷霜水試茶新許
國身猶賤陳詩家不貧年華似流水無處問迷津

喜從子密之京師歸

三十始登第於君年亦遲我生何坎壈此日尚茅茨抱
甕行瓜圃披裘理釣絲牀頭有周易重語歲寒時

送爾雪中去今歸雪又繁一官辭畫省三載戀金門抗

疏明親志投荒荷主恩

時三兄謫寧波

江天多瑞藹早晚賦梁

園

密之將授王相

送左三山先生巡按浙江

海國神明宰無人似我公棠陰山象外琴響水聲中緩
步歸天仗昌言悅聖衷平明騎馬出誰不避花驄

侍御爲閩

令以召對稱旨得授

四岳分巡符東方屬使君漢廷容傲吏禹穴訪遺文霜
簡先秋烈林鳥靜夜聞中丞餘業在連理益清芬

贈張甥哲如冠

壬午

冶山春授易諸彥共登壇獨爾最年少于今始及冠謀
篇多麗藻吐氣若幽蘭清酒三升後高言客并懽
猶記爾先子名成二十餘鳳毛原有種駮耳豈無輿報
國完臣節傳家寶父書翺翔天尺五勿似舅樵漁

送三兄仁植先生謫寧波

東海多奇勝山川首會稽遠峰青未了細草綠初齊禹
穴憑誰訪蘭亭許再題莫愁天路遠早晚下金鷄
柔櫓春潮外狂風艇不前江門聊信宿吾道本屯邠病
起求方藥途窮乏酒錢荒鷄聞野岸同枕舊青氍

送梅朗三授經白岳

白岳雲深處君行此讀書諸生迎祭酒我輩惜離居稠
嶺穿花路輕裝束笥與宛溪春水接慎勿老雙魚

竭來春尚早，俛仰送春歸。年齒各已壯，功名何太微。出門江雨歇，揮手岸花飛。明月新秋好，遲君燕子磯。

送高若木游涇

支脊山前路，巾車客並遊。

若木朗三
同日發

那堪鴻鵠志，皆爲

稻粱謀。澗戶花爭發，橋門水亂流。木樨香未遠，期爾帝城秋。

送蔡大美之金陵

橋以別辭名

宛北門外
有別辭橋

東風柳盡生，如何爲客者。翻送

主人行，孤月浪中白。三江草際清，登艫嘗北望。小婦最

關情

大美納
長于姬

禾塘訪麻孟璿村居

青郊宜信宿，况止故人家。爲飯嘗新麥，餘香蓄暮花。僕

金上集
夫歸渡口林藹拂簷牙何物消清晝昭亭穀雨茶

麻無易招同張梅卿麻孟璿諸子飲

主人貧好客粲掃柳塘西飯熟初炊黍盤香又割鷄逃
名談稼事錄別想詩題薄暮柴門立蛙聲滿夏畦

詹申如招同葛元士徐川生令弟借一飲

多君貧買宅修脯百金餘亭古全依竹園寬儘種蔬况
鄰徐穉閣爲展葛洪書更有連枝會清言亦起予

梅朗三白岳歸過訪畱宿

客裏送君去君歸我未歸爲傳江上信重啟竹間扉嘉
月命蔬酌涼風吹葛衣石牀聊共枕莫使素心違

懷三兄仁植先生浙東未歸

拂衣從遠戍高枕卧滄溟東壁兒雖貴南陵母未寧島

雲翔蜃氣江雨帶龍腥急難人何在低頭愧鵲鴒

畱別彭燕又

後我一句至先君十日歸獨憐谿水駛相顧橐金微白
雪上青髭緇塵改素衣何如圓泖外飽食鰕魚肥

送田孫若憲副之浙東

舊京花月夜錦瑟醉倡樓彈指十年別馳情萬樹秋山
中豺虎窟天上鳳麟洲相去何寥廓凄然感昔遊

祿養能將母那堪與弟違寢仍同大被飯必侍重闈弟令

長庚同之官江靜月初出菰香蟹亦肥饌餘憑遠眺秋水亂

漁磯

聞知釋褐後勤不異橫經苦思耽風雅新詩樹典型澹
雲浮水白遠岫入船青寂寞江天裏何人識使星

新亭延佇久夜雨渡龍關載酒一相送停橈未忍還路
隨津樹渺官侶海鷗閒莫問天人策虛名可汗顏

送姚若侯計偕

墟里饒英彥姚生絕等凡握椒吾最賞嗜棗爾何奇野
雀爭羅網雲鴻振羽儀糾匡端有屬曹許不須疑

先是里人

作社猶若侯
子獨稱之

西陵松栢下送爾去江湘執手悵前路離情空夕陽

初若

侯游楚子
送之秋浦雙魚勞遠訊六翮喜高翔縱有車徒別丹鷄

咏不忘

聖主憂時亂臨軒訪直臣徵車多倚馬獻策少批鱗此
事足千古如君復幾人明堂生氣色吾道未全貧

美人爲傲吏冰譽滿金華陽月恰餘莢省親猶及瓜春

暉娛綵服秋水泛枯槎預指相逢處孤山樹樹花

尊甫戊生

令蘭谿若侯往省于官予亦將遊武林

贈白孟新仲調移居

吾道歸淵思皆傳陋巷居古今貧不遠兄弟樂何如白
日難干祿清秋且著書高門容駟馬還有二年餘
舊居元不吉此屋久宜遷輸直亦廉甚掃門何肅然畜
鷄供老母畫粥度荒年故友皆貧窶誰能送酒錢

泊燕子磯送客

石燕年年在何年燕始飛潮聲寒入寺雨氣夜侵衣坐
久燈花謝愁多酒力微明朝江口別誰與上巖磯

重過西湖

少年初適越卜舍傍西冷門外車如水花前客是星僧

猶居石屋詩尚寫松屏此歲曾生女如今十二齡

錢塘江樓偕何湘來邢懋生飲

昨日西陵燕蘭橈水鏡中不如江閣峻直視海門空
候冷虛潮信臺荒閒射工幾時重眺此雪浪捲天風

湖上喜遇黎美周

癸未

藝林多蔓草雅道久浮沉誰謂永嘉末猶聞正始音
千山歸匠理片月吐禪心共在天津上靈槎不用尋

關六鈐招同馮千秋何輅亦飲女蘿館

秉燭赴君約相逢狹道間美人卽芳草阿閣似深山
運甓家非遠協箏客倦還問年纔十五花事詎能嫺

錢元子招同徐蘭生關六鈐陸麗京吳錦雯汪魏

美丁飛濤夜集

年年勞夢想今始上君堂獨立三峰秀羣言九畹香室
雲通海氣沼月動江光況有杯中物誰能廢古狂
彈棋觀聖手默坐亦清嘉弱柳煙中樹殘梅雨後花渚
鴻春有序簷鵲曙將譁歸客多惆悵揚舲問水涯

送胡豹生游白門

獻歲欲爲客非君無此情寒梅衣上落細草馬頭生京
邑求龍友江沙逐雁程薄遊予亦倦歸櫂及春晴
夜集沈佩莢水閣因偕過吳錦雯

客寺愁蕭寂移琴就爾彈方塘浮古閣微雨助春寒
堦蟄雷初動荒鷄夜未闌隣軒有嘉酌不惜盡餘歡

畱別吳錦雯

寒食雨如絲西陵客去時祗緣歸意切未及與君辭古

道江雲厚愁心滿月遲青門有垂柳煩爾寄相思

宿句容

茅店將歸客思鄉夢不成候鷄窺樹色飼馬辨人聲微
雨路邊滑殘星天外明江城嚴啟閉况復未休兵

寄懷邢孟貞

我行嚴子瀨君上謝公樓其跡若相避有書空自修過
江增戰壘蹈海起鄉愁處處兵戈滿何人遂雅遊
令子名黃耳今年幾尺長但培書種大勿恤研田荒壽
母餘仙藥療貧乏禁方年年謀館粲聞此亦心傷

馬倩若陽江書來却寄

驛使傳梅信開槭出嶺雲故人疎不忘廉俸遠能分澗
水疑琴響林花似錦雯芳塵俱在眼且勿嘆離羣

宦游東海最况復邇端溪紫石真爲寶黃流莫與齊晴
書鵬鴒潤雨酌鷓鴣低忽有江南思新詩手拔題

律身唯祖訓冰譽滿炎荒

情若祖夢初公先朝爲名御史

訟閣朝朝冷

民簷樹樹香觀天雙舄舞下食六龍驤仲子吾猶子寒

門亦飲光

情若有六子仲吾壻也

瓦官新卜築茅宇坐蕭條欲訪故人去其如客路遙冬
晴庾嶺月春漲浙江潮此興終難沮窮愁待爾消

蔡魯子攜尊兒訪

抱病眠僧閣交游萬事慵何人遺藥裏唯爾破苔封况
載毘陵酒還聞于闐鍾新居燈市裏暇日始過從

楊龍友招同邢孟貞戴敬夫飲

僻圃餘修竹枯槎綻早梅含霜君自傲索酒我何猜嘯

起彈龍劍貧栖傍鳳臺倦歸籬下路那更向天台

舟次三山

泊泊歲將暮言歸尚未能鄉園翻是客興味果如僧峰
霽晚天雪沙明夜舫燈好風求半日便許到金陵

偕陳翼仲入山

一春唯臥病二月始看山尋寺不知遠對僧相與閒幽
泉鳴澗戶密竹護杉關羨爾垂竿叟溪頭日往還

金車山訪玉林禪師

林公耽義學通敏世無雙舊闢古香剎新開大法幢松
門慵逐客竹澗許分窗日午齋鐘起塵心此頓降

西湖贈妓

秋暑轉煩酷湖陰納晚涼路逢毛女降身似藕花香姓

字知狂客衾稠借竹房最憐雙玉手微笑解明璫
昵枕不成寐中宵坐夜分水光穿牖白人語隔橋聞解
渴思山雨登樓望海雲曉天呼一葉同上鄂王墳

石臼湖訪邢孟貞

貧交將一紀今始到君家飯煮新春穀泉烹自焙茶卜
隣求板屋安隱寄漁查况有田堪典雙驅黃犢車

喜潘鱗長至自楚

爾去沅湘路江東信杳然三星望秋漢一雁下霜天兵
火身無恙饑寒骨愈堅牀頭唯宋史獨斷已成編鱗長作宋

斷史獨

狂瀾翻大陸萬壑莽生哀濟世惟舟楫嗟君尚草萊浮
名霜後葉信史劫餘灰欲紀先朝事臨風一慟哉

壽姊氏姚夫人六十

閣以清芬著嘉名先子題

姊有清芬閣集先司徒所命也

松筠元有節

霜雪詎能迷自撰良人謚無慙柳下妻峨峨千歲碣預

表魯碣西

姊年十九守志諡其夫曰良隱子而樹石于魯碣山以待同穴

結髮施顰悅纔期失所天一兒芳草露萬事古林煙簪

笏夫家貴河山嫂氏賢

姊夫二弟皆成進士而事其嫂如母

空房周甲子

青鬢已皤然

宦游隨介弟賦亦擬東征曠覽山川秀高歌金石聲憂

時過漆室諫草似緹縈詩史分邪正班姑無此情

姊選古今

宮閨詩分邪正二集風人美之

獻歲夔龍奏三貞共一堂君恩方浩蕩國事已倉皇設

醕爲男子捐軀必慨慷疾風搖落後彌見菊花黃

是年中承

兄有一門三節疏奉告
下部覆以國事變中止

偕朱長孺登鳳臺兼懷吳日生

三歲依隣寺閒房秋讓君鐘聲猶未遠樹色許平分攜
手步霜月憑肩看沼雲荒臺無鳳鳥惆悵數鴉羣
夢想東湖勝蒹葭秋水多雙魚頻有字三逕不曾過野
性風騷合晴冬草木和幾年纔到此判醉北山阿

吳日生見訪瓦官有贈

孤生無嗜欲微好在聲詩咏爾東湖什興予北面思前
年遺尺素此日惠前綏古詩良人懷古
歡在駕惠前綏莫道論交晚悠

悠皓首期

湖上有良匹高吟世所宗史玄真老驥超渙亦雕龍並
探靈威洞先聽長樂鐘朱生才不忝揚轡躡芳蹤史弱
翁趙

少文朱長孺皆吳江人日生好友也

埋照瓦官閣登臨只古臺可憐梧竹冷重覩鳳凰來僧
供有粗飯家貧無舊醕鄰翁賒已許賒到卽銜杯
冠蓋京華滿何人問薜蘿交游半雲雨文字總風波閉
戶知音少哀時隕涕多客居如寂寞十日九相過

宛陵哭梅朗三兼示令弟季升

白天亡我友不忍過雙橋臨浦腹先痛看山骨已銷况
登秋水閣

朗三讀書處

似聽海門潮魂魄應棲此何人賦大

招

層樓吟眺處愛弟必相依夢裏池塘在琴邊鴻雁非朝
廷多密網間巷亦危機莫不變名姓吳門歌采薇

梅福變名

姓隱

吳門

孤子五齡半丰標迥出塵瑤華霜便殺琪樹種還新所
慮饑寒苦其惟叔父仁懸鵲舊僮僕相見輒悲辛
昔曾憂黨錮今果見誅鋤身後名猶忌碑中字不除冉
顏寧有此蹻跼復何如天道真難問歸來且著書

黃池訪梅杓司張共之

響山居自好君尚徙潢池

杓司舊居響山

况乃風塵際兼之離

亂時一塵謀水國三匝借隣枝夜雨聞龍鬪前湖想路

斯

張路斯令宣城化為龍
今有路斯湖在黃池

東鄭元白

元白讀書周處臺

孝侯千古士遺跡在山坳帝里名猶烈芳林爾作巢稱
詩求六義玩易夢三爻黑水春溪漲何人再斬蛟

寒食道中

乙酉

金山集

柴車春出郭路遶蔣山西雲樹瞻新闕梅花憶故溪

靈谷

梅塢在道傍

村畔喧社鼓蠶女踏香泥笑指前坡客勞勞逐

馬蹄

清明道中

令節多惆悵茲辰倍可憐家家門插柳樹樹紙爲錢蕩
子輕千里荒丘別二年歲時誰拜掃回首一潸然

贈鄔沂公

一廬雖在市采藥萬山行道似韓康貴詩如謝朓清

沂公

工詩而隱于醫

食貧常好客沈醉亦尊生莫怪鄰家女無端說

姓名

贈萬年少

年少彭城人家于吳門

淮西戈未息居卜五湖東挾瑟吳娃嬌臨書魏傅工

少年

善鍾鏐
小楷

正勞霜水思相遇酒旗風痛飲殘花下春衣片

片紅

河橋歸槩動欲別又淹畱汀鷺衝煙直林鶯坐雨愁簫
聲稀古市劒影冷高丘我到求吳女煩君爲蹇修

甘露寺訪范小范

雅游窮勝槩小寄亦名山春樹島千里夜牀僧一關古
樓傳米芾新什和王灣寺爲米元章故宅
王灣早春詩卽此郭外經過少

吾徒日往還

戴公園社集歸偕潘江如夜話

花下耽名飲宵歸恃所偕出林穿廢圃看月到荒齋細
雨且深坐危時多感懷生涯何太拙日與世情乖

徐徵仲博士招集戴公園并送其令永定

新羅宜避亂况乃專城居地僻民如鹿官清水見魚夢
歸猶帶甲刑措止繙書何不永遺愛棠陰遂結廬

三月晦日送春江上并送史弱翁萬年少歸吳門
中宵聽子規春去客心悲看曆無三十今朝是盡期出
門尋我友散屨到江湄容髯總憔悴東風任意吹
芳菲九十日一日不曾懽縱酒腸猶結看花淚亦彈終
年行道路何術免饑寒懷抱真愁絕吟詩強自寬

喜宋玉叔吳錦雯來京口

悔作江東客西歸又未能沐猴看傲吏

丹徒令

雲鳥憶良

朋二妙一時至千峰四月登明朝整游策先訪鶴林僧

哭何軫亦

可怪殘春候連宵夢見君只疑書信到豈料死生分地

下無秋水人間空暮雲西陵腸斷處山鬼嘯孤墳
昨夏湖南寺攜尊送我歸月隨杯在手露似淚沾衣此
別情何慘君亡覺有機前身應是鶴重向海東飛

梅墩雜咏

戰伐滿天地何方可避兵一枝唯大澤萬水卽長城有
舍容羈旅無人曉姓名敢言身似鶴未及一毛輕
震澤多良友招尋日不虛衣冠仍漢代鷄犬是秦餘對
酒增新感看雲憶舊間家人三十口間道少來書

澄湖清見底荇藻各悠閒鑑此空明水嗟予憔悴顏舊
京雙鳳闕荒塚二龍山

先府君
葬處

夜夜歸吾夢天涯何日

還

懶性鄙章句偏於漁釣親三旬一把卷十日九垂綸無

復資生策聊爲賣卜人得錢且沽酒判醉勿愁貧

好雨應農節平湖水接天歸人阻前浦落日附隣船萬頃芙蓉國孤村桑柘煙吾廬容易辨破屋短牆邊

伏枕不能寐一宵三四興天人理莫測旦夏坐相凌哀往旣霑臆憂來還撫膺鳴鷄破幽闇會見日東升

白髮因愁長一愁白一絲昨宵心上事侵曉鏡中窺髮白有窮日愁多無盡時不如投古剎髡作老毘尼

東湖訪吳日生

先是日生在史相幕奉使歸吳而史相遇難

我心嘗憾憾之子去江淮歸使有天幸談兵非厲階五湖仍嘯咏八表總風霾夜半聞鷄者誰能不軫懷

西濛訪徐掌文

咫尺湖邊路青林白板扉小樓收野色輕舸繫漁磯茗

枕露華舉詩筒霞采飛思君頻過此昏黑澹忘歸

接待亭訪潘江如

美人官渡外日日想過從衡宇無十里煙波隔數重買
舸吾自盪脫粟爾先舂笑語淹長晝歸時寺已鐘

泖西贈孫扶雲

幽居臨大泖吳越水平分密蔭萬竿竹閒房幾片雲修
禪遵殺戒飯客采香芹嘆息市朝變此中如不聞

會史弱翁見惠生豚

史君湖海士牧豕似公孫慈愛不忍殺屠沽相與言倚
隣酬賤直伴酒市荒村惠我生肩美懸廚待爾燔

喜潘江如錢馭少見訪

一雨百川漲南溪昨夜深閉門銷積暑高柳下重陰瓜

熟呼兒摘茶香共客斟連牀聊信宿四海幾同心

七夕

天上佳期有人間好會無思歸腸九結望遠眼雙枯新月如舟小微雲似客孤哀情訴河漢牛女亦悲吁

贈施玉謀博士

以吳江廣文去官

卜居予最僻君亦到荒村左右有茅屋往來同竹門秋花延廢圃波月引清尊賴此破愁寂都忘非故園薄宦一朝去俸錢能幾何身微家累重病起旅愁多遠望驚烽火高飛謝網羅采薇知有咏莫負首陽阿

贈錢馭少

先是馭少卜居梅墩不果去汾湖矣至是予亦遷汾湖

梅墩謀共隱村小恨無廬誰料汾湖曲仍成比屋居風塵催戰鼓郡邑走降書愁殺蕭蕭髮人前不敢梳

伯子知幾早逃名震澤西孤帆秋欲往萬馬路長迷有
髮應全祝爲僧何寺棲盤渦浴鷗鷺羨爾羽毛齊

毘陵禽楊逢玉送米

霜風吹破寺流落借僧居畫出樽常滿宵歸盜每虛感
君多古義愛客損山儲不及首陽士糠粃亦愧予

舟次贈從子子畱

我祖昔沈淵家風八代傳

先斷事公殉建文之難

餘生寧毀節至

性且逃禪韎韠人爭喜章縫爾自憐同心有癡叔期不
愧前賢

細草春江岸停舟見汝過抱頭先痛哭開篋有狂歌年
少饑寒迫時危憂患多故山偕隱好定卜小龍阿

贈張環生明府

有客滄江臥懷歸歸未能鳴榔辭震澤卜舍就毘陵慈
母天堪倚仁風樂可憑一廬棲水曲門巷掛魚罾

趙止安招同馬倩若周頴侯小集

委巷通場圃高人此隱居宦歸船載鶴家食釜生魚佛
閣病長臥親喪滿不除鄰軒何足寄特喜傷君廬

荆溪道中偕周頴侯

爾郡無丘壑幽奇具在茲良人舟可附逸興暑休辭湖
上數諸勝客中游幾時到城先展謁賢祖孝侯祠

周孝侯宜

興人有祠在頴侯其後也

重過潤州上方寺

出郭尋香刹林僧乃舊交竹房容借榻蔬食不驚庖田
野客稀到衣冠暑盡拋東偏餘隙地吾意欲誅茆

祝髮已爲僧披緇愧未能親恩那可斷家累實堪憎浪跡隨方住虛名戒友稱何時脫塵網長伴佛前燈

白門晤邢孟貞顧與治

孤生兄弟鮮二仲卽天親白首崇明德青山偕隱淪懷中三歲字花下再生身東海求知已寥寥復幾人世事付流水客踪隨所浮懷人還舊國舉酒屬新秋勲業凋明鏡行藏愧白鷗非君念羈旅誰與問窮愁

訪林青仲兄弟暨從子子唯

早春江上別猶是舊皇都彈指市朝變歸人淚眼枯側身望天地流血滿江湖何意荒臺畔還存竹與梧易世一相見悲涼無限情秋林仍月色暮角似邊聲丘壑本繇性漁樵豈爲名祗應隨蔓草霜雪了吾生

宿陳翼仲齋頭

石城尋舊侶落落似晨星行道畏人識藏詩誦爾聽山
醪乘夜醉階草望秋零不是繁霜後誰知竹栢青

禽呂霖生吏部

南澗閱芳草忽聞鶚鳩鳴過時既不採晚節復何成漫
說楚三戶聊爲魯兩生薄材甘自棄空負贈刀情

舉故

云

鳳臺秋夜

一雨退殘暑竹房秋氣多陰蟲鳴露草暈月隱庭柯范
叔寒如此莊生夢若何無衣愁卒歲江上整漁簑

潤州早發

纔停京口櫂又挂武林帆白露水千里青箱書一函吳

江空范蠡漢臘老陳咸予意懷農隱深秋返舊品

寄懷吳錦雯

別離曾幾日舉目異山河東海魯連少南朝江總多人
情都可見君意欲如何秋水鹽橋路相尋話薜蘿鹽橋錦雯所居之地

中秋日抵武陵

十載中秋節曾無一在家客行如水鳥飲啄趁晴沙望
斷月中桂愁生鏡裏華歸期諒不遠婦子莫興嗟

舟過蕪湖寄懷沈崑銅

君嬰鈎黨禍拔宅去章江善類悉亡命宵人果喪邦沈馬阮所忌避難入楚及歸而南都陷矣

歸舟愁朔氣剪燭憶西窗魂斷三

秋水曾無尺鯉雙

客路經江縣蕭蕭風雨多故人家不遠停櫂擬相過四海倏披髮中原誰枕戈傷時淚承睫見爾定滂沱

荻港遇戴式其

城居雖比屋同載更相親細語窮通理交憐憂患身天低鴻有字江暝樹如人野泊依漁榜蒼茫少四隣

大龍山重訪劉未沭丈兼懷白靖識師

風雪湖東路來過及早春一杯鷄黍約四座鹿門人芳草倏云暮高山失所親籬英雖共把凝睇轉傷神昔似商城老幽棲在石塘秋林餘碩果春酒湛空觴溪冷琴聲輟臺孤劒影荒行人復聞笛疑是舊山陽

宿義津橋不及訪姚休那先生寄此

山橋冬過馬延佇想高人溪徑闊將息僕夫擔在身陟

岡投野店攤草困征塵只尺南村路依依有夢親
不染腥羶俗超然海鶴姿忘形雖爾汝學道乃吾師僕
僕遠歸客匆匆年盡時早春仍過此期一醉東籬

東周顏侯相約同往錢塘

客路武林西煙塵望轉迷逢君知間道結伴走苕溪將
雨夏雲變親人湖鳥低扁舟共來往應不負招攜
聞說雙峰下曾牽五色絲待年今已長卜吉豈云遲香
閣盼歸櫂啼鶯攪夢思蘭陵趣駕者判醉合歡時

龔山集卷之五

皖桐方 文爾止著

壻繡水王 槩安節較

黃州王澤弘吳廬定

五言律

訪吳錦雯不遇留此

東游悲失路尋舊悉凋殘
爾復向隣郡人誰懷古歡
板扉深巷掩霉雨暮天寒
尺一授童女歸時拭淚看
自昔耽風雅新詩聞更多
譏彈唯我最離索奈君何
歸賣南徐卜閒披北固簑
相思如問訊羣從許來過

潤州訪王望如廣文

昭質如冰雪微官塵豈緇
青氈處共冷痛飲籍爲師
暑不罷經席吟多立泮池
琅玕須示我風雅事粗知

欲買蕪陰權因君且未還謀生何處好細語輒相關北
固江流穩南巖野艇閒倘能爲地主載酒上焦山

甘露寺訪潘江如

君歸自海昌不忍渡錢塘吳榜變僧服口兵占祖堂入
山知意苦多病爲神傷珍此未虧質他時還有望

片石傳三國英雄此論兵江山畱霸業我輩愧虛名每
到舊游處無端新恨生况聞漢昭烈懷古倍傷情

北固山有
狠石昔劉玄德孫仲謀坐此商破曹處

譚友夏集中有六賣詩予素愛之今客潤州亦有
四賣雖所賣不同其詩情一也

賣犀杯

杯似積葉而有蟲跡其上

十杯先賣九畱一旅相隨本欲長斟酌何圖又別離宵

燈蟲似泣秋雨葉知悲割愛非吾忍村醪合用甕

賣蜜珀墜

小婦有佳玩爲予扇底懸出門猶好語作客勿輕捐江國阻歸櫂晨炊乏米錢授人非得已臨別意凄然

賣水晶章

毘陵春作客惠我乃門人方鈕作亭古寒光似水真欲鑄無妙手在匣有輕塵善價歸文士知爲衆所珍

賣碧玉環

斑駁質疑漢環中製必唐投雙自薛子分一贈倪郎每用飾巾幘亡何易酒漿有錢仍可贖藏物豈知藏

贈祖心師

預知今日事削髮八年前宛似瞿曇相何妨文字禪杯

浮江路永衲挂帝城偏顧二樓居好蹉跎歲幾遷
底事欲歸去翻成無妄災粵吟寧懼死□婦解憐才自
昔書皆廢從今口莫開人間刑與辱師視等浮埃

七夕牛渚

開平騰躍處每過必停舟况值此佳節悵然生旅愁古
今亡國恨日夜大江流不見機槍落何心問女牛

重過東壩訪湯仲昭兄弟時仍三白下未歸

吾友樓居接春來幾夜眠共傾盈甕酒復贈買舟錢歸
櫂重過此離情倍黯然秋鴻飛不定翹首暮雲天

石臼訪韓元長

漢有韓元長高風在潁川古今人不遠姓字亦同然芳
渚結漁屋柴門臨水田十年勞夢想今始到湖邊

邢翁吾至友往往誦君詩芬烈椒蘭氣蒼寒枯栢姿懷
人秋雨夜驅馬夕陽時遙見良書閣高深儼在茲

春湖名石曰風景似花源久欲從茲隱無如家累繁衣
冠見君子耕稼長兒孫信有潛龍德滄桑誰復論

有甥賢似舅才藻更非常珠樹秋先折瑤琴我獨傷遺

書猶在匣至寶豈終藏金石千年事幽靈仰渭陽

甥也其遺集可傳
予欲元長梓行之

寄懷邢孟貞

欲訪故人宅知君猶未歸秋原行處好村火望中微舞
勺兒初長登塲穀正肥設令予有此必不轉蓬飛

秋夜懷湯仍三

寺從鐘後寂月向樹稍明此際思君意無人知我誠夏

雲陽羨路秋雨瓦官行每記當時別低回不舍情

初度

戊子

幼小悔能文精華衆體分行年將不惑學道尚無聞况
遠夔龍治終歸鹿豕羣餘生甘守拙筆研總堪焚
江海客程遠田園生事微春初每一出歲暮始言歸四
壁依人立片帆爭鳥飛何時脫塵網躬稼老林扉

初晴

久雨初晴候人情分外歡階除宜急掃泥濘未全乾
芒屨晒幾緇布衣堆一竿北山青在望此去路非難

潛山道中

早春行不果此日冒炎蒸策蹇愁荒道聞鷄戒夙興薄
雲山雨過密葉露華凝百里人煙少蔬盤就野僧

望天柱山

漢武東巡狩乘輿到此迴孤峰當衡嶽萬古憶雄才竹
箭地中立芙蓉天上開何時近山麓行路獨徘徊

太湖贈李溉林明府

城荒聞亦久不謂遂如斯古巷全封棘官齋半覆茨澤
鴻聲未定邊馬檄交馳出宰非人傑誰能耐此時
之子金閨彥飛騰正妙年因思習民社不敢擇林泉時
論或嗟若高懷殊晏然琴堂無一事終日枕書眠

寄懷子建李明府署中

世亂強爲客家貧長傍人鵷雛稱外傳

明府公子出其門

馬隊

作比隣

館與廐連

畫理靜能悟詩情老更新時應與仙吏披

豁見天真

聞說英山道羣峰萬仞高攀躋吾不免炎赫亦何勞躬稼實無策浮萍隨所遭秋風偏憶汝搖落楚江皋

贈戴其懷

芭蕉山色秀

戴居芭蕉阪

雲氣接司空結宇兵戈後潛身草

木中枯槁尋野老高咏激松風他日圖相訪花源路不窮

金井埵宿沈瞻球宅

出郭二十里溪山已百重浮圖青嶺見小市白雲封知近幽人屋頻要過客蹤鷄蔬分母饌亦不愧茅容

山城經亂久此日未休兵百戰家猶在三遷母不驚春畊田自稔夜酌月微明預訪前坡路崎嶇笑兩生

予與從弟

德延
入楚

寶筏禪堂贈大愚越塵二上人

山城問槁師孺子悉能知家是去年出寺從前代施古
林兵盡剪淨業爾猶持汨汨風塵客今宵借一枝
槁師何處去托鉢向岐亭露電觀身世雲山豁性靈以
公爲弟子其類必芬馨明日攜予往松關想不扁

喜晤劉藏夫

不覺幾年別蒹葭遂入霜別時吾有詠今日爾猶藏亦
作佳山水長懸舊草堂音容俱在眼相思豈能忘
驅車入楚界高士訪梅劉破衲惟行脚空山仍避讎間
關求一見俛仰共生愁心事渾難語西風淚暗流

劉藏夫山中送酒米至却寄

君本采薇士兼之憂患身稻粱難自給擔石乃貽人水

碓聲聲雪山瓢點點春泥香吾不啟遲爾共沾脣

雨夜宿徐子九明府署中

荒城如古塞冷署若秋山對雨暫畱客銜杯小破顏吏人催又去戰守那能閒夜夜岑樓立方知爲令艱

立秋

今宵且勿睡端坐聽秋聲雨久無三伏燈殘欲四更高林何葉落薄砌幾蛩鳴撫枕多愁思詩成夢不成

促織有二種一形小色黔音細藏草石間卽蟋蟀也一形大色青音急立瓜蔓上俗謂紡績娘亦其類也秋宵客館二蟲爭鳴感而有作

體殊聲亦異幽怨感人同石砌蒼苔下藤花白露中倚闌人不寐煩首聽無窮始覺風騷者沾沾咏此蟲

富池口

漠漠楚江遠淒淒秋日斜維舟爭舊港迎客喜神鴉無
市不殘破見人多嘆嗟棕櫚餘古木小坐啜僧茶

東流

此遊何孟浪行李竟蕭然自負囊中物新詩百二篇市
荒猶有酒魚賤亦無錢不及垂竿者微酤立水邊

歸舍舉子

萬事不如意廿年纔一雉楚江秋轉櫂越女早懸弧世
變爭桐乳吾衰恥曼胡錫名曰易耨相願老田夫

夜坐

兒女啼聲寂孤燈坐夜分攤書來靜理炙酒取微醺衾
力先霜薄妻愁似葉紛饑寒多諄語塞耳不教聞

未至楊樹灣十里而暮

馬知投店晚雖憊撒霜蹄山路晴偏滑人家近轉迷風聲吹燒急雪意壓雲低村小猶聞犬柴門閉已齊

白下喜遇何寤明

亂後不相見逢人問所思過江遊甚好贖妓事何奇風雪八程路香奩廿首詩同艚終不苟方信是男兒

寤明遊揚

州有士人妻陷身爲妓寤明訴于官捐金贖之自送至池陽還其夫同舟半月言笑不苟

茅堂九子下同氣有劉生憂亂阻良晤寄書含遠情詩嘗要客和交不似人輕江縣兵猶滿何時遂偶耕

寤明刻其

與劉伯宗往來書及同人和韻

廣陵贈姚仙期

乾坤初辮髮我亦作頭陀恨未拋妻子憂嘗在網羅山

川君獨秀瓢笠矢靡它乞食仍遊市將無達者詞

韓聖秋招同紀伯紫杜于皇丁菡生集烏龍潭

力疾赴君約應知此會難相逢皆至友不飲亦成懽
瓶供梅千藥窗移竹數竿衆芳搖落盡獨耐雪霜寒

元宵同邢氏諸子觀燈月下

巳丑

漫說湖村小春遊亦有情星燈原上聚社鼓月中鳴
女伴尋簷立田夫逐隊行那能不隨俗閒眺至三更

田家

出郊聊散步芳草艷晴川有客提春酒相要坐水邊
林陰何沃若雨氣忽蒼然咫尺迷歸路田家且醉眠
草堂何所有農器滿其中酒出新篘白燈懸破壁紅
留賓疑穉子掃榻累衰翁最是檐間雨涓涓聽不窮

湯仍三宅卽事

野寺日將沒香臺月又新歸鴉巢熟樹守犬吠生人客
訪如來理僧談過去因亂螢飛草際誰解是前身
浴罷坐林中開襟受夕風張燈驚宿鳥滅燭救飛蟲野
哭聞隣婦方言報小童夜深微雨過點點在梧桐
一帶溪流濶千章巨木多引雛鵝試水交尾鴨沈波小
艇裝新麥低田蒔早禾晚涼行樹下時聽牧童歌

家人至蕪陰傳兒子嘔血之症催歸江上

荒城居不可此日况多兵游子懶歸去江鄉寄此生忽
聞兒病篤頓使客心驚縱欲拋家累能無父子情
兒年十有六癖好在文辭求仕亦何急嘔心猶未知家
貧常困苦性褊只憂思以此成勞瘁高人笑汝癡

五葆黃者貴不病亦須求况汝生來弱非茲誰可瘳有
人來上黨其價比南鏐敢謂予裝薄匆匆買入舟

偕槁木師至沈崑銅莊四首

芳村臨古渡聞爾此逃名朝夕欲相訪湖山笑獨行高
人今結侶小艇况來迎並坐寒潮穩西風一葉輕

幽溪生暝色帶月到君廬夜閣燭先秉秋田酒自儲隔
籬童女唱滿壁故人書四海皆兵甲孤村獨晏如

世態爭榮祿吾徒甘寂寥入山尋舊友投淚說先朝累
日應須宿浮雲任所飄何時脫塵網長傍爾漁樵

君懷經世畧意豈在漁簖道大防時忌名高避客稱閤
雖藏衆嫖吟實伴孤燈莫漫愁長夜東方日漸升

呈覺浪大師四首

江城遊不樂獨喜見吾師古剎霜寒夜幽窗梵語時羣
書人所誦密意有誰知却怪僮僮者機鋒鍼與磁
漫言原道論作者定匡廬萬象皆同幻孤根必有初明
已昭大易洪範蔽尚書不是蒙茲難高踪恐闕如
謝山棲未穩飛錫去江灘怪石虎猶踞荒陵龍不蟠陰
靈時且晦化雨事原難自有開宗日天人合靜觀
王生誇絕奕吾亦詡高吟信是千秋惑師惟一語箴屋
梁終障礙天宇任侵尋義學伴山海涓埃昉自今

同寓自矜其奕爲國手予以詩
當之而浪師皆掃去其說甚妙

送紀伯紫歸舊京

寺客皆行矣惟存爾及予酒杯堪綵戀江路且躊躇爾
復隨師去吾何能久居西風吹短褐愁絕挂帆初

日夕杖人側居然是兩僧有吟先獻草無語不終燈聞
別忽如失訊歸難以應年年空托鉢深覺愧師承

初度日宋玉叔計部載酒見訪因偕蕭尺木羅天

成登范羅山限春光二字

庚寅

甲子渾忘却君猶記我辰軒車來旅舍壺榼徙江濱去
日忙如水衰年愁殺人那能同草木枯絕又逢春
古阜宜登陟晴江盡一望微雲分片白弱柳弄絲黃野
酌邀山友高吟遜省郎無才甘自棄不敢恨年光

吳震生舉子

吳臨川人其父母皆七十

美璋無不喜况爾是中年酒介雙親壽湯醪衆友錢小
宗分季子古學在臨川預數成名日高堂髮尚玄

送王玉門從軍大梁

君豈兜鍪士將無深意存驅車臨廣武立馬問尸門赤
紱威原假青袍道自尊王舊爲楚廣文平生懷亢烈勿忘主人
恩

喜左又鐔見訪卽送其歸里

學易元同舍研幾爾獨能至今持苦節不敢負師承雨
雪家人餓衣冠達者憎時危明且晦未可太觚稜
獻歲吳門去歸來春已殘懷人尋卜肆附艇泊江干四
海同心少三年會面難亡何臨水別握手淚汎瀾

明江訪胡允右有贈

吾愛此江名煙簑甚有情故人能卜宅好客喜班荆出
網罟爭薦封缸蟻待傾爲歡須信宿相對到殘更

劉遠公三十初度

君才不早達三十亦蹉跎先德傳青史

劉爲是菴相公之孫

扁舟

寄白波

劉有江上扁舟圖

春江魚餌美家塾鶴聲和自有千秋

業浮榮何足多

送王白虹歸餘杭兼寄嚴子餐兄弟

大滌山中路盤紆可避秦且尋猿鶴伴莫逐馬牛塵寄語問印友觀書懷古民披裘與賣卜俱是姓嚴人

雨夜宿宋玉叔署齋分韻明日將之宛陵

江濶雨冥冥孤查傍驛亭旅愁難自遣檐響且同聽樹老先秋白燈寒入夜青非君念疇昔誰與慰飄零

官輕如社燕南北任孤飛賤子復何似窮途那得歸稻粱謀不免鴻鵠志多違只恐君行後無人知我饑

宋有官同

社燕秋南北之句故云

天逸閣懷亡友朗三用蔡四韻

哦閣居然在幽園尚未荒斯人既已沒春草爲誰芳蛛
網先愁結鳥嘯引恨長晚來風送雨六月助悲涼

古劍

秦人攜古劍云自華陰來不試模糊血空生繡澁苔星
河秋氣迥風雨夜吟哀何日逢明主邊塵爲爾開

響山訪梅杓司及令弟崑白次日談長益至各賦

二首

孤村南畝外九載始重過世亂艱鷄黍門荒空雀羅埋
名同腐草托意在高柯竹栢天然翠冰霜奈爾何
仲子白驢瘦溪行迎所思果隨明月到欲上響山遲出
酒當秋漢開襟受晚颼幾年無此會痛飲復何辭

飲梅周文秋莊

每憶君攜酒酣歌疊嶂樓同人三下世

孟浩然三景山也

落葉

九經秋事與浮雲變心隨明月流響山雖自若無復舊時遊

山中一夜雨秋氣已蒼然古栢陰當戶香杭穫在田客來蓬徑少吾愛竹林偏有酒頻斟酌何論聖與賢

鏡中初見白髮

今日窺明鏡蕭騷鬢有絲休言人未老翻覺爾生遲蒲質凋原易梅英白更奇不知潘省騎三十二何悲

太湖山中訪馬叔生兄弟

環山築堅壘云是古青城羣盜戒無犯君家賢有名冬晴來遠客夜雨搗香杭細酌牀頭酒何人肯不醒

若翁頭未白有子丈夫三畊鑿父相勗詩書還共探西山增季塾北面啟予慚倘遂橫經約良朋快盍簪

送陳仲育博士之山陽任

時危官不易獨有廣文間况與家園近休嗟髣髴班過江偕令子邊海閱奇山回首司空嶺依依魂夢間初降巾車日荒城盡草萊誅茅成小築伐木聚羣材此地青氈剩吾徒絳帳開中庭蕉與橘一一記君栽

早春別蕪陰諸子

辛卯

卜居剛一載煙櫂又西還良友雪中別離情江上山干戈猶未定書劍那能閒恰似浣花叟飄零梓閬間

春日齋居雜咏

驅策來山邑人師愧不能推賢承茂宰問字悉良朋近

水借衡宇遠村遺斗升因緣隨處有踪跡類孤僧

諸生富才藻下問復謙冲學道能經國論文本在躬嘗

思革除際並話亂離中往往皆流涕猶疑河間翁

宋臣家鉉

翁入元不仕授經河間與諸生言至革除之際輒流涕蔽面

寄跡無生產詩書是力田室雖花縣裏人似杏壇邊樹

影催春課雷聲起晝眠隣翁強解事又笑腹便便

鑿壁開南牖西齋避夕陽更添簷數尺欲取夏微涼奧

濕菌生戶椽低茅覆牀自堪容偃仰何用慕高堂

窮巷罕人跡柴扉晝不扃微雲生遠岫驟雨集空庭山

色鏡中見溪聲枕上聽髣毛黃且短羞殺柳條青

上巳同徐掌人先生戴其懷馬嘉甫呂性之東溪

散步

一春長閉戶今日出郊初花事雖然少芳辰不可虛美
人沙上浣高士竹間漁只恐愁心劇難將水祓除

贈李德純丈

高人形似鶴恰喜髯如霜不賣壺中藥惟傳肘後方結
茅栖委巷種玉吐奇香自有天倫樂浮榮何所望

苦熱

晝永宜高卧炎威卧不寧汲泉尋舊井散屣待初冥將
雨蟻行路似雷蛟聚庭南窗風乍起今夜勿愁醒

夜坐

袒裼坐庭中寥寥天宇空疎星明沼水暗露濕花叢漸
老世情澹愈貧詩律工吟聲何太苦不異草根蟲

立秋後一日雨

玄雲生大壑殷殷有輕雷火到三庚伏秋隨一雨來高
林團秀色荒徑洗浮埃休夏惟禁酒從茲可漸開

七夕雨將訪阮脩卿山居不果

稻田方喜雨只是阻尋山期爾中林待疑予出郭還不
知牛女會長在水雲間明日褰裳往何妨涉險艱

野菊花

陶公籬下物豈是有心栽野菊天然秀寒花秋自開澹
香全勝橘幽韻欲爭梅可嘆無知者霜根混草萊

喜八弟爾孚見訪卽送其楚游

客子似霜葉飄零隨朔風幾年千里外今夜一尊同山
冷雪將下更殘話未終離情差可慰馬首又匆匆

窮冬六詠

歲云暮矣草舍淒然日覽心傷爰有斯
作安知後世無終窶如方生者屬而和

之乎

無酒

生來嵇阮性麴蘖助天機在客罕遺秣無錢頻典衣沈
冥心自苦蕩滌意多違獨有良朋約時時酩酊歸

無米

山田荒落久筆硯代耕鉏豈有肥甘慕先無擔石儲曉
霜春細麥夜雪剪寒蔬我自貧而樂家人未讀書

無油

坐不惜膏火愁隨更漏長殘冬瓶忽罄累夜室無光粥
罷眠須早茶多寐又妨起來看月色形影獨淒涼

無鹽

鹽貴亦何甚數銖須百錢祇應甘澹泊無以制腥羶乍

見空中雪

世說撒鹽空中差可擬

虛疑井上煙

杜詩遠煙鹽井上

老梅貪

結子調鼎在何年

無炭

此物江鄉貴山中亦易求空囊何所恃一簣不曾收幸有負暄樂應無執熱羞冬晴猶自可風雪令人愁

無薪

豎子元供爨秋來病欲盲依人斬蒿艾無處拾柴荆釜粒炊難熟畦蔬噉每生連朝煙火斷便覺羽毛輕

采薺

壬辰

早春無所事攜女上山城到處逢沙薺收來作俎羹味甘占歲稔方古療人盲夏月還須采林居可護生

釋家取薺

藜作挑燈枝以辟蚊蛾謂之護生草

蕪陰送錢旣白遊太湖

我方來爾邑爾復去吾鄉交錯如鴻燕拚飛爲稻梁湖
村求食易山閣卜隣芳歸日恐猶待家書取數行

寒食江亭

客裏春將暮沙邊路獨尋休看人上塚空羨鳥歸林木
葉隨愁長江流與恨深紛紛舟楫者誰抱濟川心

清明日飲寶計部署中觀劇有感

宋玉爲郎日官齋任往還別來頻節序旅泊又江關楊
柳弄春色風塵損客顏使君猶夙昔高義許重攀
久不見袍笏優伶尚漢官酒多情易感曲罷漏將殘令
節驚相問中心黯自酸一生開口笑祇是傷人歡

三月二日林玉樹招同余誕北先生俞玄中陳伯

璣曹梁父夜集坐有二妓皆吳女也

士女江東俗先期卽秉藺花前作吳語
睂際有春山四坐頻更燭層城欲上關
雙雙歛紅袖問客恐須還

張與瞻招飲未赴寄此

東臯新柳色頻約我來看江雨雖然霽
泥塗尚未乾出城愁著屐待月想憑闌
應訝愆期者芳林飲不懽

重至姑孰訪王希文

君昔來江岸分甘餉我親參差未一晤
離索遂三春信自遊人得家因好客
貧山中相念久聞此愈含辛園林風雨
夜驚喜故人來握手詩先出張燈甕卽
開乾坤方戰伐觴咏且徘徊莫漫求榮
祿蜉蝣安在哉

月下同張兆蘇王崑生飲希文園

有客攜壺榼言過我寓樓却嫌茅宇隘仍借竹林幽月
皎夜如晝庭陰夏亦秋旅懷多不懌權作醉鄉遊

蕪江曉發

歸心亦已久苦熱入舟難直待秋颺起應知暑氣殘輕
裝辭旅舍小艇溯江灘豈謂南熏阻檣烏又屈盤

江月

漁舟停葦岸蟾影透篷窗歸客不能寐愁城詎肯降開
襟臨曠野鼓枻詠澄江四睇俱煙靄宵鐘何處撞
泊池口弔吳次尾劉伯宗

江城蕭寂甚每過必含辛中有兩亡友俱爲千古死
能標大節隱亦絕纖塵後起者誰子池陽空復春

彭澤懷古

古人無忌諱同郡卽爲官江路纔百里山城僅一九折
腰非所願解組亦何難最是東籬菊冰霜耐苦寒

廬山訪無可道人

卽從子密之

自爾去東海神州遂陸沉詩書種漫滅廉恥道浸淫獨
秉雪霜操能堅檜栢心誰言好奇服但不愧朝簪
聞說蒼梧陷孤臣被繫維血甘塗斧鑕信反格蠻貊妻
子散仍聚雲山歸轉羈三秋纔解脫一葉下彭蠡

我夢匡廬好馳情二十年經過曾有詠登眺却無緣聞
爾歸棲此令人興勃然輕舸來遠渚曷敢憚霜天
束髮同師友心期在匪躬跡雖分顯晦道不限窮通遇
變方徵學逃禪豈慕空明朝尋栗里相與酌陶公

山行八詠

簡寂觀

簡寂聞名久歸宗特地來雲迷禮斗石草沒煉丹臺道
院無遊者仙風誰繼哉門前松樹古猶是晉人栽

玉簾泉

古寺雖云麗微嫌宦者風我趨山澗外人語水煙中絕
壁分青靄飛泉宛白虹老僧差不俗結構在巖東

杏林

吾亦知醫術平生慕董君藥非同市價杏以當耕耘山
下虎收穀溪邊龍出雲芳林伐已久到此仰餘芬

栗里

南村居不遠頻上輔山遊栗里是中道籃輿此暫休當
時成雅聚今日等浮漚豈獨無陶令王弘何處求

東古山

此峰廬嶽外乃在落星灣郡志名東古村人號比山行
船勞指顧過客罕躋攀若到開先寺居然几席間

落星石

層巒游已遍歸路及沙汀望見湖中石知爲天上星僧
房元茂密佛閣近凋零欲語專城者重來構一亭

紫陽堤

文公知郡日教養亦多方更念風帆險先營石壘防榜
人紛不息惠澤永難忘異代唯田守高名並紫陽

天寧寺

山刹疑千百城中此寺孤客來聊假寓兵過卽荒蕪游
覽興偏勃羈棲歲忽徂匡廬收拾盡不敢恨窮途

立春日郊行

癸巳

客裏才除歲愁邊又立春
人情誰念舊時序屢從新
緩步出山郭微風動水濱
老農冠帶古一是遺民

清明日泊吳城

孤洲臨大澤底事曰吳城
水國千檣聚人家百貨盈
腐儒憂所適佳節惡其名
欲析河橋柳春風處處生

旅况

旅况何蕭瑟三春黯似秋
花開同葉落鶯語甚猿愁
芳草長依寺斜陽獨倚樓
東風日夜起偏不送歸舟

獨坐

獨坐當深夜愁懷屬暮春
山中高卧者天下苦吟人
花落感時變林香悟佛因
聰明無不會只是拙謀身

都昌懷古七詠

陶桓公侃

都陽人也其里也朱子爲之立廟又爲文辨其八翼升天之誣公始爲

縱陽令今亦有祠

清談能誤國砥柱在陶公運甓匡王室投檣奮武功小人誣所夢哲士信其忠我里分遺愛千秋廟祀同

蘇真君航

柳州人與許遜吳猛爲友修道于都昌山中果仙去劍池橋井尚在邑

蘇君曾奉母修煉此中居一日乘白鶴如雲翔紫虛劍池今繫鴨橋井亦生魚多少都人士仙踪誰問諸

謝康樂靈運

永嘉人嘗游鄱湖于都昌石壁攜精舍詩云昏旦變氣候山水含清

暉載文選中子白游石壁亦有詩

康樂有游癖湖山跡最多扁舟來石壁精舍立巖阿昏旦詩尤妙登臨興孰過謫仙重到此懷古亦高歌

石季倫崇洛陽人為南昌尉于滙東起園傲金谷之制今都昌縣治即園故址

洛陽歸不得彭蠡且游觀園復標金谷花皆種牡丹荒

城猶剩蹟異代每興嘆若肯終棲此應無赤族患

劉武穆錡都昌人其父以勳封秦州而生公順昌之戰與韓岳齊名公猶奉其祖母

歸葬于都昌

名將推劉岳威神震四戶殊方猶有廟故里反無祠夢

想順昌捷依稀元祐時中華復左衽感此淚雙垂

江古心萬里都昌人南宋時為左相忤賈似道歸饒州築止水亭以居元兵至公

投水死其弟萬頃子鎬鎬俱殉難

南渡闕舟楫芝山隱獨先構亭名止水矢志必沈淵令

弟忠尤烈全家死並傳湖干訪故里延首意凄然

陳雲住澹都昌人元初不仕著禮記集說學者稱為經歸先生有祠祀之其孫入明

多顯者

宋室云亡日西江多隱淪春秋義已晦禮樂註重新祭
享從先哲衣冠啟後人儒風誰繼者惆悵蠡湖濱

南康重晤魏竟甫明府有贈

春風司李署邂逅一逢君握手意相洽揚鞭路各分新
詩何警策下問復殷勤遂有山城約來看製錦文
修江曾買權正是暮春天客至主先出旅貧誰復延尺
書遺小吏飛絮促歸船豈料端陽節重逢星渚邊

忠節推高邑詩歌逼盛唐珠璣今在篋梨棗欲重光

趙儋鶴先生全集欲梓之

况以鳴琴暇同升肄雅堂哀時老詞客此

事亦堪商

苦吟吾自嘆君意獨憐才把酒情如舊看山眼共開雲

居元有約秋盡始能來喚渡亭前月相攜醉幾回

建昌有雲

居山喚渡亭

路灌溝喜遇談長益話舊

聞爾京師去真成汗漫游既非營利祿何苦向旃裘好
句西山得奇書北地收不知多少淚霑灑舊陵丘
殘冬歸自北盛夏復南征飲啄依朋友湖山本性情風
江船偶值村店酒徐傾明發又千里煙波浩以盈

夏蟲四詠

蜂

山家貪釀蜜處處有蜂窠只道利堪取誰知義足多君
臣名不二生死志靡他借問乘軒者從王事若何

蟬

胚胎是何物情性不相同纔出糞邊蛻旋登樹杪風苦吟疑有怨絕食似終窮莫訝隣家叟生兒孝且忠

螢

形質本纖細中心耿自明不嫌腐草化能助讀書聲亦似寒微子猶知向背情鴟梟何太惡白日眼全盲

蛾

撲燈緣底事只爲愛明光蹈死雖不惜捐軀實可傷人臣皆若此吾國豈云亡欲覓護生草時時爲爾防

微雨

晝長心力倦午睡頗宜人忽聽簷間雨偏驚夢裏身稻苗纔潤濕竹葉已鮮新却恨須臾止炎風又起塵

八月

人人望有秋粳稻不須求八月便艱食三冬何限愁空
庭聞雀噪寒水見魚浮轉訝夔州客東屯也薄收

玉龍峽

家山拋已久間歲始歸來古木凋傷盡荒田漸次開瀑
飛千丈雪谷響萬年雷何日結茅屋松筠依舊栽

先君鍾愛此別號所由稱本欲弟兄共無如寇盜仍亂
山歸一主廢業想重興

峽田舊爲四分今歲予獨并之

繼述吾何敢爲

農或可憑

贈內金鴛

小婦未三十如將四十人不應顏色老祇是別離頻望
遠易憔悴忍饑還苦辛爲誰生白髮憐汝甚青春

抵建昌

四野同雲色淒淒欲雪天林荒鵲鵲噪波冷鷺鷥拳入
郭先尋寺依沙且繫船馳書聞茂宰有客到城邊

錦山僧舍

寒夜苦無酒貧僧每餉茶漫言身是客不信寺非家漏
下鐘聲動風來幢影斜明朝何事喜燈藥預開花

舟中書懷

因亂廢農業年年事遠征長江無陸路孤客任舟行老
欲歸何處游難畢此生山田春有屋勉強學躬耕

小孤洲

小孤經數過此洲未停舟豈料殘年逼還爲兩日畱登
樓謁神女遇客話鄉愁旬日風兼雪何緣不少休

大雷岸

三年三泊此俱避惡風濤長夏水痕溢嚴冬冰力牢問
村無白粲送臘况香醪路灌人煙密牽絲勿憚勞

人日飲孫子穀齋頭

甲午

楓葉去猶赤柳條歸已青山阿尋舊友舍右起新亭佳
節况人日當筵俱客星見懷詩句好誦與老夫聽

送史趾祥歸宜興兼寄陳定生周穎侯

江上懷君久相逢未有期入門先一拜忍淚復雙垂國
破家亡日風飄雨散時何緣得把臂雖喜不勝悲

昔奮投金瀨今藏善卷山不知誰玉曆自分老柴關學
稼仍艱食求人每汗顏荒城來幾日拂意又空還

平生所師友多在孝侯臺亂後魚書闕山中羯鼓催素
心知不易碧血更堪哀君去叮嚀語須畱有用才

時蔣
紳之

死
于
難

題汪延年山樓

貧居雖不廣有閣據高岑詩思當山秀禪功向壁深

汪能

詩又好佛前有衆峯後有石壁引兒攀樹果畱客坐花陰炎夏猶堪戀

涼秋更可尋

贈毛卓人學博

毗陵有才子大雅壓羣英詩似劉公幹文如陸士衡蛾

眉衆女妒鷄肘一官輕不是愁思結南蘭豈易成

毛有南蘭

集

古熙元僻野兵火復凋殘鬢序通材少師儒化雨難一

從君鼓吹三歲長琅玕處處花兼實春風爛熳看

兩人相慕久江上未相逢傾蓋當炎夏持盃抵雪峰居

停尤密邇昏旦輒過從交質平生業譏彈莫厭重

虞山汲古閣梨棗燦春雲欲送詩於彼誰能好似君偶

因懷抱合遂許俸錢分勿謂斯言罔丹崖翠壑聞

毛札云弟

雖貧猶能以二百金付家子晉處爲先生成不朽之業故云

李明府祈雨有應鐫詩于壁屬予和之

潛龍蟠水窟仙令禱山阿一縷夏雲起千畦時雨過誠能畚神貺早不損嘉禾况有詩題石仁風扇薜蘿

潛山重訪陳襄雲

山齋曾信宿小別動三年斯世罕同志如君又各天愁懷雖抑鬱病體已安全尤喜川光媚雙珠入掌圓

誰將吾近什轉誦與君聽曩括成高咏頻繁寄遠汀歸途聊一訪驅策那能停九月偕予季重來叩嶽靈

孫豹人布袍成有贈

不著武靈服如今十一年逃名惟有釋製衲却無錢大
雪來山邑殘繒作水田只愁飛動意渾不似安禪
斯人衣壞色朱紫合誰新莫展擎天手聊爲持鉢人朝
陽知不遠補衲意非真簪紱登黃閣方無負此身

皖上宿小范寓樓

年年恨離索今夜得同牀江上半規月城隅萬瓦霜酒
醒愁不寐心苦話偏長欲作聞鷄舞相憐髣髴髮蒼

早春移竹

乙未

是竹吾皆喜况於慈孝名葉雖經歲換笋必傍根生高
本從隣乞佳期待雨行草堂春意少佇望爾敷榮

八弟爾孚見過小飲次日予游潛山

明日之隣縣先期送我行語多天易晚世亂別非輕沽
酒出深巷攤書對短檠老年兄弟少獨爾最關情

周將軍廟

在潛山治東南五里

我愛周公瑾飛揚正妙齡山川畱古廟風雨見英靈僧
種竹盈院客募碑到庭因思小喬嫁此地亦曾經

春日訪汪公彝村居不值因過劉芳遠小飲回遇
公彝並梨園子弟邀至其舍張宴竟夕賦此贈
之

訪君南郭外君適去城西餞就隣家食歸逢暮雨迷芳
村伶欲散狂客路相攜秉燭重開宴歌終鷄已啼
山房新結構西北有高樓合借今宵宿還期明日畱羣
兒爭下食一醉解忘憂不厭頻來往風騷恣唱酬

三月晦日立夏

芍藥送春去櫻桃迎夏來恰當三月晦那惜一尊開生
事客中度年華鏡裏催侵晨鄉思動歸騎勿徘徊

從黃俞邵借宋遺民錄感舊

有宋遺民錄求之二十年世人多不見此事竟誰傳唯
爾書能秘錄余借可憐乾坤正滄泱梨棗合重鐫
海鶴先生在髫時數問奇卅年才子出萬卷舊書隨家
學既淵藪神明亦鼎彝吾將著野史安得徬冬帷

曉發板橋

茅店火猶明征途策蹇行輕霜浮細麥殘月挂枯檉銅
井高崗見慈湖野渡平遙知今夜酒定與故人傾

孔千一招同巫川南夜飲畱宿各有贈

梅甯吾良友

山同

與君情亦親嘗言牛渚士頗憶龍眠

人高閣來寒夜深盃送老春不須歸旅寺吟榻稱吟身

巫子年方壯千思乃二毛憂時心自苦把酒興偏豪江
縣罕知己風期在我曹蛾眉亭下路來往莫辭勞

雨夜又飲千一宅

江樓寒已甚况復雨蕭蕭盡日僧同坐將昏爾見招擁
書惟有醉過渡亦非遙半榻容吾慣應無慮此宵

雪夜泊天門

隣國浪傳兵舟師冒險行風能如客意雪不礙江程兩
岸雲峯失孤洲漁火明相呼勿貪涉戍鼓已初更

廿六日抵樅川飲子穀家

已入故鄉境猶差百里程急趨良友舍忽見旅人驚出

酒禦風色問遊傷世情明朝天不雨策衛向山城

廣陵俞宋澄嵐先生見贈

丙申

移寓興嚴寺聞君先在茲舊諳金石性今覩雪霜姿把

酒占星夜

宋精于星命

焚香聽雨時追陪良足樂况復惠新

詩

名家交不少更與鞏昌懽

時玉叔備兵鞏昌

滿眼皆春樹高人

獨歲寒還山何處隱卜宅此方安予亦無枝鳥頻來問

考槃

喜龔孝升都憲至

此地昔爲別江關雨雪霏良宵聚羣彥高咏送予歸彈指八年過懷人尺素稀江關重握手雨雪又霑衣

三能

音

今不少誰比使星明每涉江淮路偏多黍稷情

憂來詩更妙客至酒長傾亦欲遊吳越相隨船尾行

題閬牛叟眷西堂

堂以眷西名寧惟念所生榛苓長入夢禾黍最傷情釜
破魚誰漑岐荒鳳不鳴世人那解語漫指太原城

夜同叔則李貞飲彥遠僧舍限韻

池上風蕭瑟來尋爾寓齋瓜蔬隨意設詩酒稱人懷飛
帛書尤妙牽絲恨未諧祇應離別後日日念長淮

正月六日范麋生家試燈予與沈仲連畱宿

丁酉

邀我過除夕淒涼未出城酒先人日飲鐙比客星明簾
外雪初霽堦前草漸生獨予愁夜永撫枕聽鷄鳴

十六夜同徐雲吉胡彥遠宿徐梁瑞家

酒是錫山白燈猶火樹紅不辭今夜醉况與故人同圓

皎月當戶疎香梅有風芳時何忍別應臥此齋中

五日謁卞忠貞祠

卞公沒已久祠墓尚巍峨一死人無異千秋道不磨都
城崇伏臘祭賽擁笙歌我拜當重五何煩弔汨羅

王元倬招同周苦蟲顧寧人黃帥先甯山同吳素
夫李三石雨中小集

到門無熱客列坐盡遺民遠屐能穿雨虛堂果絕塵令
爭搜古字酒只勸愁人欲別還畱戀因之宿比隣

山同宿
三石宅

偕閔無作孔千一甯山同登雨花臺

十年不眺此一眺轉傷魂正學祠偏圯鍾山樹盡髡牛
車填輦道馬卒擁城門眼底都非昔無言聲暗吞

夜泊東昌

微月照菰蒲沙邊雁夕呼榜人貪利涉暝色問征途
衛水流何急耶城勢不孤紛紛來往者猶有魯連無